

gionato da' turchi in Damasco, per esserli stà imputato haver mandato li frati a convocar christiani in favor dil ditto signor Gazeli et del signor Sophis. Per il che, a esso patron è stato necessario ritornar *cum* li peregrini et con el carico del sale a le Saline qui in Cypro, dove l'arivò a dì 20 dil corente. Subdice, che l'avea visto tre galie turchesche tresse e rotte in quelle marine, et de li fu ditto che ne erano due altre nel golfo de la Villa, li homeni di le qual da' arabi erano stà tajati a pezi.

184

*Die dicto.*

Sier Francesco Spinola patron de uno galion eri arrivato de qui, reporta de la riviera de l'Egypto, in quelli lochi passar il tutto quietamente, et haver visto esser passate 4 galee in Alexandria et sete in Damiatà mandate da Constantinopoli, et divulgarse le altre, fin a la summa de 21, esser perite da la fortuna; et che al Cayro ne erano stà poste in conzo cinque galee, de le qual ancora ne la eslade proxima passata forno conduti li legnami, et esser preparate et in ordine; nè saper dir altro cosa alcuna, perchè turchi tieneno le sue cose sotto gran silentio.

*Copia di una letera di sier Vincenzo di Batali, de dì 18 Marzo 1521, date in la Jaza, directiva al Capitanio di Cypro.*

Magnifico et clarissimo Domino.

Per el navilio patron sier Zorzi d'Ogniben, recevi una vostra per la qual ho inteso al bisogno. Per el ditto navilio non parsi risponder a vostra magnificentia per non mi atrovare de qui, perchè era cavaleato per andar dal defterder per un mio servizio. Da novo de qui se dice che 'l Signor è partito da Constantinopoli, et dicono che 'l vien a la volta di Aleppo, et se zudega che 'l voglia andar contra el Sophi, et passa zente assai a quella volta. Per venuti di Aleppo, dice che in Aleppo se aspecta de zorno in zorno el bassà, che è a Damasco, per andar a la volta de Diarbech. Non so dirvi altro, salvo lddio salvi e mantegni la magnificentia vostra.

*Die 22 Martii.*

El se ha, per uno capitolo di una letera scritta in Aleppo per Nicolò Chiapalia, directiva a missier Zuan Maria Buzolo suo patron zenoese, de dì 10 dil corente, de questo tenor brevissimo:

Lo campo de' turchi, che era qui, se è partito

*I Diarii di M. SANUTO. — Tom. XXX.*

tutto et andato a le frontiere de quel da la grande bereta: che significa el Sophis, per quello interpreta el dicto domino Zuan Maria per la intelligentia l'ha con el dicto Nicolò.

1521, a dì 8 April.

185<sup>o</sup>

Machometo fiol del qu. Chamedi Magerbin de Baruto, novamente venuto dal dito loco donde parti a dì 3 dil corente, et azonse a le Saline a dì 7 dito, reporta che, vedendo che 'l signor di Baruto con lo emin et cadi *cum* tutti li altri turchi havevano abbandonato tutte le terre da marina, et el simele se divulgava haver fatto li signori de Tripoli e de altri loci, come a Baruto se divulgava, et chi erano concorsi in Damasco et chi in Aleppo, perchè da una banda se moveva tutta la Arabia *cum* el signor Gazeli, et da l'altra el Sophis con l'Oriente a far lo acquisto de la Soria et deliberar lo Egypto et Anatolia da le man de' turchi, intendando *etiam* che da loro era stà morto el signor Chayrberg al Cayro. Et vedendo *etiam* che a Baruto avevano tagliato la testa a Chagi Messauti, che era capo del marinarezo del signor Gazeli, per paura ancora esso Machometo ha voluto scampare. Et cussi vedendo esser azonto nel porto di Baruto uno gripeto, da' suoi pregi furon mosse le persone a levarlo in cavo del muolo del ditto porto; et partendose, vete soprazonzer 14 galee turchesche, che da Damiatà venivano a vela una da poi l'altra, le qual erano stà aspetade molto da' turchi per redurse in quelle li signori per paura de li movimenti predicti; et cussi el se ne è venuto via. Admonito a dir la verità, che guai a lui trovandose altramente, rispose: « Vui me avete in le vostre mane; se non trovate esser cussi fateme apichare. »

*Die dicto.*

Abraham patron de barea de siech Suliman, habita qui a Famagosta, parti a dì 8 dil corente da Tripoli *cum* uno cargo de savoni. Costui riporta, come Venere di 5 dicto, azonseno in dicto loco de Tripoli alquanti turchi et syriani, quali dicono come Macarea deodar dil signor Gazeli aveva asallato Amam *cum* alquante mille persone, et era intrato dentro, et aveva amazato el Signor turco di quel loco, et aveva sachizzato parte de la terra et amazato molti; et che loro erano scampati per dicta causa a Tripoli. Et come se afermava de certo che 'l signor Gazeli

(1) La carta 184\* è bianca.